

Nomina.
Situs.

270

Lugdunensis Tractus, vulgo Lyonnois.

Urbs Lugdunū.

Lugdunensium Civitati, ut in Notitia Provinciarum dicitur, *l'Archevesché de Lyon, le Pais & Seneschauceé de Lyonnois*, Limites scribuntur ad Septentrionem Bressia; ad Orientem Sabaudia: qua Meridiem spe-
tat, Delphinatus est cum Languedokia; qua Occidentem, Forenses jacent & Arverni. Sua hic olim
habuerunt Domicilia *Segusiani* Plin. Σεγυσιανοὶ Ptol. Σαυροσιανοὶ Strab. Secusiani, vel, ut alii scribunt
Sebusiani Cæf: Hodie *le Pais & Seneschauceé de Lyonnois*. Caput hujus Tractus ad confluentem cum Rhodano,
Lugdunum est. Sic amplissimam, ornatissimam, florentissimam Urbem nominant Tacitus, Plinius, Antoninus
& qui Latinorum Scriptorum non? Ἀγύδων Straboni, Ptol. aliisque Græcis: Ἀγύδων Stephano. Verus nomen
hodie, sed contractius, servat. Ludunt enim, qui in vulgata appellatione *Lyon, Leonem Gallicum* quærunt. Nomen
derivant quidam ab *Lugere*, quod illi proprium fuit post fatale Incendium; de quo post: nonnulli ab *Lucere*, quod
in Monte, tanquam Specula, longe lateque Luceret: alii ab *Lugdo* Celtarum Rege. Maccis & Bucconibus sua
linquenda. Vetus Itinerarium a Burdigala Hierosolymas usque, quod Pithæo debemus, in fine *Lugdunum*
Desideratum Montem interpretatur, Idiomate proculdubio Veterum Gallorum: cujus penitiora scrutati, sunt
qui deducunt ab Voce *Luck*, quæ Hodieque Gallis Belgis, Germaniæque Inferioris Populis pro *Fortuna* in usu,
ut *Lugdunum* fuerit, *Fortuna* quasidicatus *Mons*. Ericus Monachus lib. i v de Vita S. Germani in *Lugduno* dictio-
nem *Lucht*, quæ Gallorum Belgarum Lingua *Lucem* sonat, agnoscere videtur:

Lugduno celebrant Gallorum famine nomen

Impositum quondam, quod sit Mons Lucidus. —

Dunum fane antiquis Gallis *Montem* esse, constat. *Montis Lugdunensis* etiam meminit Petrus Arvernus Clunia-
gensis Abbas lib. i v Epist. i i: *At postquam de Vrwarensium colle ad Lugdunensem Montem divina Dispositio te tran-*
stulit. Sic Seneca in Ludo Claudii:

Vidi duobus imminens Fluvius fugum.

Montem hunc Adcolis crassiore causari Aërem innuit apud Sidonium lib. i Epist. i ix Candidianus: *Nebu-*
las ergo mihi meorum Lugdunensium exprobras, & diem queres nobis matutina caligine obstructum vix meridiano ser-
vore referari? Et tu ista hæc mihi Cæsenatis furni potius, quam Opidi Verna deblateras? Sic etiam apud Strabo. Ἀγύδων
von ἐκτισμένον ἵππιδος. Quis Urbis conditor, incertum. Amplificavit & ex Monte, qui primo habitatus, in
planiora Loca pomerium produxit L. Munatius Plancus; *Colonia* in eam Augusti principatu ducta; anno Urbis
i c c x i. *Colonia* nominant Tacitus lib. i Historiar. & Plinius lib. i v cap. x i x Natur. Histor. In vetere qua-
dam Inscriptione Legitur COL AVG LVG. Ab eo tempore semper cum primis Galliarum Urbibus censeri
solita, dignaque habita, quæ cum Vicinis Immunitate gauderet. Nam *Segusianos Liberos* vocat Plinius lib.
i v cap. x i x, & *Lugdunenses Gallos cum Viennensibus juris Italici* facit Paullus I C. lib. L. Digestor. Tit. x v. cap.
ult. Digna item, ex qua totius Galliæ Itinera ab Agrippa distinguerentur; cui Ius Monetæ cudendæ tribuere-
tur, in qua Gallorum omnium Tributa & Vætigalia colligerentur. Digna denique, ubi *Templum* ad Confluen-
tes Ararim & Rhodanum ab omnibus Galliæ Civitatibus in Honorem Augusti cum formidanda illa ineptis
Scriptoribus